

¡BOMBA!

En gira peninsular,
Claudia rindió sus informes;
en cuanto a los inconformes,
no hicieron más que sudar



K'intsil

Lunes 22 de septiembre de 2025

CAMPECHE · YUCATÁN · QUINTANA ROO · AÑO 11 · NÚMERO 2568 · www.lajornadamaya.mx

K'iimbessa'ab 115 ja'abo'ob je'ebek Centenario, kúuchil jach yaabilta'an tumen u wíinil Jo'

/ p 8

Oochel Raúl Angulo



Te'el ja'aba', tu chukaj 115 u p'éel
ja'ab je'ebek u joolnajilo'ob Parque
Zoológico del Centenario. Le beetike'
u jo'olpóopil u noj kaajil Jo'e',
Cecilia Patrón Laviada tu ya'alaje',
le kúuchilo' k'a'anan tumen ti'
ku múuch'ul baatsilo'obi', ts'o'oke'
ya'abach máak lik'a'an te'elo'.

"Centenarioe' jump'éel kúuchil
tu'ux kaláanta'an k'áax yéetel tu'ux
ku péektsilta'al u kuxtal ba'alche'ob

yéetel che'ob te'el noj kaaja', ts'o'oke'
kúuchil chíikbesik xan máaxo'oni'.
Ku ye'esik bix lik'a'ano'on ich baatsil'.

Ti' k'iimbessajé', kajnáalo'obe'
béeychaj u cha'antiko'ob circo, beyxan
yucatánil cha'ano'ob, je'el bix xan u
báanalil pelotas, yéetel u yisíinsa'al
máak yéetel yo'om; beyxan koonol
k'aaba'inta'ab Manos Verdes Mérida.

Te'el súutuko', xota'ab xan ki' waaj.
"Máax ma' na'akak te'el trenecitoo',

wa u ma' u xiimbaltmaj mona
Susy wa hipopótamos, ichil uláak'
ba'alo'ob, tumen leti'e' ba'axo'ob
chíikbesik Centenario, jump'éel
kúuchil ts'o'ok 115 ja'abo'ob yanak,
ts'o'oke' ya'abach k'a'ajesajo'ob u
beetmaj u yantal tu püksí'ik'al
kajnáalo'ob", tu ya'alaj Cecilia Patrón.

Parque Zoológico del
Centenarioe' ku je'ebel martes
tak viernes, desde las 8 ja'atskab

k'iin tak las 5 u taal u chíinil
k'iin; beyxan je'ek'ab sábados
yéetel domingos, 8 tak 6 u taal u
yáak'abtal. Jejeláas kúuchilo'ob
yaan ti'al u náaysik u yóol máak,
je'ex kiosko, trenecito, u na'akal
máak ti' balsas, báaxalo'ob, u
kúuchil janal, ichil uláak' ba'alo'ob.

Yaan xan jejeláas ba'alche'obi',
je'ex kéejo'ob, llamas, nukuch
miiso'ob, yéetel ya'abach uláak'o'ob.